

schlag die Schlacken vom Berck oder Bley ab / vnd laß auff einer Gappeln abgehen / Helt nun das Zien Silber / so wirt auff der Gappeln ein Korn sitzen bleiben / das zeuch auff / so wirstu den halt finden.

Zu einer solchen Prob aber / mustu ein sonderlichs Bleykorn machen / also / nim ein Centen des Kupffers / davon du der Prob zugesetzt hast / laß mit der Bley schweren auff der Gappeln mit fleiß abgehen / vnd behalt das Körnlein Silber das davon kömmt / welchs im auffziehen des Probirkorns / allweg zu dem Gewicht soll gelegt / vnd mit abgezogen werden / sonst wirt man des halts nicht recht gewiß seyn / auff diese weiß kan im Zien der rechte halt gefunden werden.

Das Bleykorn zu dieser Prob.

Etliche Probierer brauchen ein andere Meynung / Sie schlagen das Zien ganz dünn / vnd wegen davon zween halbe Centen ab / thun jeden auff ein sonderlichen Schirben in Probirösen gesetzt / geben ihm ein linde Hiß / daß sich das Zien zu einer Zienaschen röstet / dieselbig Aschen / doch jede in sonderheit / setzen sie mit 16. Centen Bley vnd 2. Centen des Fluß / auff ein Schirben / vnd sieden die an / gleich einem strengen hartflüssigen Erz / vnd lassens auff der Gappeln abgehen / Diese Prob ist auch recht / wil aber etwas mehr Zeit haben dann die vorige / Wiewol nun das Zien allhie auch auff dem Blech auffsteigt / so leßt sich doch mit Regierung des Feueres / so man ihm erstlich kalt / vnd leßlich sehr heiß thut / zwingen / daß es rein schlackt.

Ein andere art das Zien zu probieren

Wie man Eysen vnd Stahl / auff Silber Probirn soll.

Swirt auch bißweilen Eysen gefunden, das zimlich reich am Silber ist / Das kompt daher / daß die Hammerschmiedt den geringen halt des Silbers / den der Eysenstein bißweilen helt / nicht achten / wissen auch offte nicht daß derselb Silberhaltig ist / aldann kompt das Silber im schmelzen mit in das Eysen / Solches zu Probirn daß man den Silber halt gewiß finden vnd angeben kan / Solt du das Eysen so du Probiren wilt klein feilen / vnd darvon ein halben Centen / vnd darzu einen Centen gelben Schwefel abwegen / vnd vntereinander mengen / nachmals in ein gar linde Hiß setzen / daß nur der Schwefel fliesse / vnd das Eysen damit penetrit / vnd auß seiner Substanz gebracht werde /

Mit schwarzer.

S

Als